

大安弟留曉

此乃連流起之詩人
述訪是後將
事為詩傳曹同業於行
也

黃式敘求正詩稿

求正序言

敍三齡失怙家寒甚十歲始入塾三載畢誦四子書既五經駸駸習韻語矣會學堂興羣方役力科學課餘取唐詩讀之間或試儼教習咸以走作本業見責自是不爲詩者殆十年及冠來瀋陽從世太史仁甫師遊側聞詩法綦備引紙操觚此其託始厥後蹇連東北竟歲所入強半置書凡魏晉唐宋金元明清大家詩集辜較取藏昕夕咀嚙軌躅所在掄爲矜式近年袁師潔珊張師仙舫更進而涵被之閩縣林琴南常熟孫師鄭諸先生且謬以古人相期許至是晝事案牘夜沉吟弄蓋自已未春迄乙丑夏六年之間成詩千數百首芟夷而后十存一二爰付手

民用代掌錄鳴虜敍以屏質輕才行年三十毫無成就少壯眞
當努力年華一往夫何可再每復斯言輒爲流涕海內
名賢幸憫其愚倘亦繩愆糾謬使之小有成乎是尤逡巡趑趄
不敢率請者耳乙丑六月上澣遼陽後學黃式敍謹序

賜
吉林電燈廠
教

遼陽黃式叙黎雍初稟

已未春作時在鳳城

望中山水作吳裝雨擺烟拖柳數行辜負故園春一段百花生日在他鄉

春日田家雜興

桑麻如幄柳成幃苔逕芹塘綠欲飛鋤影斜陽人滿地機聲午夜月臨扉一竿淺水
魚苗茁十畝平田燕麥肥撻鼓西疇農事好犍蹄時踏杏花歸

閑招石戶大隄灣午飯人家負鑊還漁唱正逢三月半雞鳴常度百花間一弓園小
親挑菜四角牆陔近對山漸覺跨溪芳草軟羣兒驅犢出柴關

如絲細雨不成泥來日春晴好下犂早插秧針初滿壟新栽柳綫漸平隄水穿籬隙
蛙爭叫人去桑陰鳥亂啼了戾一聲柔橈響輕風吹過板橋西

門臨阿對一泉清堰尾橋頭信手耕悅口時從蔬菜得賞心日傍槿籬行當階小犬
迎人吠遶箔羣蠶遇葉爭算橘租菱差已過烏鹽盪耳是村聲

元陳舜道春日田園雜興云村聲盪耳烏鹽角

登鳳凰山絕頂

振衣千仞勢崔嵬，蹋閣攀林逐鳥回。山指龍頭盤地起，

龍頭山浪淘鴨綠自天來，東可望在其南。

一彎白羽驚神力。

上有箭眼峯，相傳爲薛仁貴一箭所射，今其孔尙存。

百戰黃驄感霸才。

黃驄，唐太宗戰馬，征遼馬斃，見樂府雜錄。

舉酒忽看東

土險斷碑遺碣至今哀。

上有忽必烈碑碣。

題柳蘼蕪畫像

此身那肯從傖父，一別垂虹選聲來。除却苒城陳臥子，虞山尙可與言才。

我聞室外柳花酣，烟月東風故故慙。真個相思春太苦，種成紅豆遍江南。

一軀驚鴻貌忒嬌，我今見也殼魂銷。微憐眼角還消瘦，家國新添淚兩條。

才子胸襟蘇簡簡，俠兒骨相李師師。五湖烟水長如此，腸斷紅樓笑語時。

船窗笑語近紅樓，五湖烟水長。

如此藤蕪句也。

關路夫就龍江師範教習非其志也賦此贈別

掉頭軀駕發遼西，四表雲飛散馬蹄。路近龍眉知地險，峯連虎耳覺天低。晚烟未淨

全迷郭春水方生半隱隄一片長條歌向北怪禽道上趁征顰
眼前便是分離地知我憂心欲語誰唏髮屈原將去國抗顏韓愈始爲師遠人如此
猶堪教大事由來不可爲明日傷春三月暮相逢一笑在何時

路夫由龍江寄詩感賦

滴階碎雨作吟聲耐暑堪寒又此行難免揶揄招鬼笑最無聊賴以詩鳴落梅日日
天還醉折柳年年怨怎平捫腹同爲蕉萃客一燈兀對不勝情

溽暑家居有懷路夫用才調集體

昨年楊柳比鑿齊正是蠻牋句共題盡日吟來山閣上有時行過板橋西燈前花影
人雙鬢雨後文心月一溪併作浮生今夜憶江雲江草益萋萋

伏中卽事

雨佇風塘中失我立錐地引頭見西峯忽從雲外至
悄悄鳥窺書齣齣人入夢屋頂大風來樹簸青天動

哭陶拜言

陶君名聞善新民人博極羣書下筆千言立就今秋以疫亡

河山從此邈黃墟再覩南村事恐無九畹遽驚凋蕙茝一枝眞惜折珊瑚才同近代
吳慈鶴文似前朝賂義烏卒卒人生難逆料招魂欲起楚天巫

酬李式璞春感韵兼柬杜豐亭

冗雨平巒沈麴塵經時輒憶素心人幽懷渺渺歌山鬼玄牝綿綿問谷神籠眼三春
懷李杜痴心二載望周秦

時余有周秦文之選

來牛去馬渾閒事休便憑欄惜此身

李懷星遠道贈詩次韵奉酬

二年花下感離羣詞客飄流又遇君塞上悲笳雙耳迴詩中彩筆兩人分江鄉沉寂
憐芳草京國紛華悵薄雲早識甘泉能作賦長安何日薦雄文

庚申天醫節日到龍江見路夫口號

輕泥沾屨上征車看雨聽風怕憶家今日因君回首望方驚身在古龍沙

秋夜紀感

昔走鳳山邊今到龍江側鳳山高且青龍江深復黑吾生感行役竭采誰能測慈母
昨一書初六燈下墨首言邊地寒教兒慎眠食終言舉家安告兒休懷憶酸骨久思
親讀罷淚沾臆仰視浮雲飛俯察羣鳥息營養須及時曰歸苦未得八月隕嚴霜遊
子意何極古稱不遠遊此理顯易識自我阻殊方歧路奚止億願隨南來雁翱翔無
羽翼人海虱孤身迴腸但惻惻蜘蛛不如蠶網羅徒虛織鸞鳩不如鵬榆枋已下踣
生在嫫姆村庸姿卽絕色步入雞豚藩驚騎皆神力吾道殆非欺天乃活讒繼張衡
咏煩紆杜甫歌偈仄勞人多憔悴周道自枳棘拚飛會有時男兒避繒弋

冬日和同人感事作

獲落邊城罷酒初嚴更燈火逼庭除忽驚歲暮仍爲客頓喜身閒且讀書風漢疏成
眞國計纖兒撞壞好家居推窗瞥覩山河影祇對茶鐺一自吁

龍沙冬夜

約束涼颼暫不驕，嚴城笳管暗相撩。
干戈離落填惆悵，文史勾留破寂寥。
夜靜欲邀明月飲，天寒難把好花澆。
故園昨日音書到，又說東風上柳條。

嫩江閒眺

春江嬌軟水如油，木脚亭腰作態流。
十五雙鬟年少女，盈盈解弄一瓜舟。

送袁澹溪兄之吉林

奮翮邊關方未久，一鞭惜又指東丹。
此間惟士思尤甚，君任省視學職是後如君恐亦難終日。

亂山依粉堞，幾年流水送雕鞍。
稍遲我也同歸去，雙袖休揩淚不乾。

次韻寄陶犀言奉天

文章自足通聲氣，况在游楊共一師。
君與余皆受業於仁甫師花落空山傳古響，烟銷流水寄深思。

典墳以下書能讀，山魏之間士不癡。
高睨大談吾有願，此懷久欲告君知。

繁絲急竹惜相違，雪竇風高試一揮。
目送鯢鵬由北徙，心隨烏雀向南飛。
漫云蝸角

容身易，終覺蛾眉入世非。
比遇吾師劉太史，爲稱近况未能歸。

謂仁甫帥

有生苦被莊周笑，瓠落經年獨遠遊。常以小冠懷子夏，偶於大筆想千秋。河東昔識書三篋，海外新吟鳥一囚。正值南來春雁到，瑤華日夜祝雙郵。

入吉林境

近城百里綠鬚髯，樹杪征帆一望遐。巒影曉烟開北陸，角聲殘雨入東華。東華宮在松會甯故城花漫指金人水，樺葉猶傳宋使家。行脚祇今頻惜別，連宵燈火憶龍沙。

初至吉林寄龍沙友人

此間風景占清幽，郭外青山郭下舟。燈火乍來林內寺，人家多住水邊樓。三年奔走真如夢，一飯艱難轉欲愁。未免勾留成永憶，連朝惜不共君遊。

隨潮世事感升沉，解后歌成塞上吟。萬嶺松排人徑絕，一江水載客愁深。得名已異毛生舌不動，何如告子心持比。昔賢吾有媿，苦無聲價重雞林。

江頭少躋訪徒單

徒單氏爲金室望族

擊汰揚舲續古歡，得失不妨蚊睫視。往來但任馬蹄攢畫

眉深淺，全非易舞袖回旋。大是難定惹北山猿鶴笑，車中三日骨猶酸。

夕陽無數亂山橫渺渺前途我此行蹤迹漸教三省滿余去秋到江去留且喜一身輕
花畦樓閣初聞燕柳岸莊村乍見鶯來日東方愁不淺憑誰書札答離情

孔生敘庸書來意致芊綿以詩報之

昔在東方見多士撐腸覺汝最超羣至今耿耿還思我對此茫茫轉憶君萬管工爲
心上語一燈習作腹中文來朝風雨春蠶急料有詩成寄我聞

北山次韻

來遲小雨斂黃塵蓆帽蓑衣入畫身懸夢猩紅鸚綠裏神州容我作閒人

纖雲午上玲瓏塚

山上有玲瓏塚

節日春回濁汭泉老圃不干興廢事自家五畝一生專

山下有菜畦

偶在月虧思月滿恆於花落怕花開老僧口似瓶翻水亂我閒愁又一回
招之入戶惟山可引以流觴卽水宜便覺波光雲影意人間此境是吾師

有僧喜談妙理

到家作

一夜倚結軫長路何奮疾行行重行行遼瀋新比櫛砮礪聞衍河突兀望駐蹕
影

方卓午咫尺見蓬簞里落尙依然老母引入室道兒貌倍瘦憐兒身弗逸盈案棟瓜果遍園摘芋卓譬如歸甯女百感難具述此時老人心更甚未嫁日低回慚人子遑敢訴憂慄十載學詩書生事益蕭瑟玉貌去圍城蓬累拾蟣蝨作吏幻浮雲隨風幾時畢鄰嫗有農兒昕夕長繞膝得錢持奉親其樂自洋溢睹茲傷我情安能髮如漆伊懷茅季偉將母迄不出言罷觀天風急裝又在卽

問王敬生師疾

先生示疾要人扶叩睡時聞鳥自呼俱返豪情歸木石滿傳餘響散江湖斬新詩卷輕千乘依舊談鋒敵兩都六月草堂清晝永移身且對輞川圖

早起登北山

早起登北山巘綠半空墜路迷不見人禽語烟中至

七夕

掠耳禽言入夜多姑姑聲罷又哥哥捧心却恨神媧石只補青天不補河

一年餘此嬌啼夜不似嫦娥未有期欲問遼西人寐否女牛消息怕他知

新秋六言

月犯薔薇影裏水侵楊柳陰中何處青帘一個送來塞上秋風

寄路夫

聞口眺江山曰弟尙行役鬢邊萬古愁脈脈逢此夕

辛酉七月十四日爲敍二十六度生辰賦此自遣

江湖意氣苦難馴二十餘年現此身玉女豈知天發笑麻姑真見海揚塵何時下土
方聞道明日中元始降臣

寇萊公誕辰亦在此日魏野獻詩云何時生上相明日是中元

坐閱升沉還自惜跳刀一輩眼前人

生日寄路夫籠沙

此日足可惜風光駢轡轡君今二十三我已二十六憶昔學瀋陽交道儕骨肉雄辨
洩滄溟奇文敞心目玄理揭綿綿古詞探碌碌看花側帽簷臨軒振書籠予才覺漶
漫君學自純熟鳳城與龍沙綢髮聚昏夙如入芝蘭室四壁皆芳馥掇囊富文字往

往見杼柚日上花扶疎雲垂雨霰霖精舍賸寒泉尋趁一競逐往事宛如昨吾生無
亦速秋水渺伊人迢迢情踏蹶天地覆兩孟日月轉雙轂勞燕不同飛蛩豈偕宿
奇訣思長房咫尺縮大陸異鐫懷楊焉瞥眼凌深谷撫茲成永歎望遠空林麓願言
傾一觴共此千里祝

蓬仙先生贈龍沙雜咏三十首敬以詩謝

筆尖藻思最翩翩油繪髡枝脫葉邊斫地嘯歌寧日月倚天懷抱走雲煙直驅風雨
來篇裏如送江山到眼前邱壑北來原不美却因佳句得流傳

二十一夜

小闌紅蓼印紗窗獨坐焚香冷玉缸忽訝白蘋風影動一時秋色滿松江
打頭一屋雨淒淒門外涼天咫尺迷無數砧聲燈影裏教人何處望遼西

簡孟伯蓀

書破巴牋空十幘多時花下見沉吟砧聲雁影何干汝

君有閑砧
開雁諸作

好惹閒愁爾許深

寄韓靜生

昨夜涼風起天末此懷渺渺一思君笛中五月梅齊落陌上三春草盡薰失喜詩人
今頗牧深驚才士古機雲旗亭畫壁猶多少何不傳抄付我聞

十年國慶日述感

十年清淺閱蓬萊劫火昆明欲化灰變起紅羊皇帝去亂生白馬黨人來突薪竟啓
焦頭禍鼎餽終貽折足災風景江南當更惡却憐庾信未能哀
瑤樓遙望雨濛濛九地於今虎豹雄下國已嗟無樂毅上書稍喜有陳東人來鄭野
爭分鹿士去周京欲化蟲鐵笛青羌吹不住爲傳杼柚故園空
冥冥氛祲滿扶桑被髮翩然下大荒問世漸成詹尹策治瘡長憶越人方識生絲馬
朝聞哭禍映天狼夜吐芒坐使防秋無善政邊兒石調動漁陽
齊州九點見揚塵一副河山淚斬新南畝盈車空載鬼東鄰有女慣窺臣永留白帝
當時恨莫補蒼生後日貧漆室惟憂葵不飽蛄聲十里又何人

答金紫巖內兄

素心三疊咽幽絲憶爾仙人綽約姿長覺宛陵詩格好寒香沁到十分時
閉關趺坐數昏鴉棊鼓聲中略憶家際對寒牕一惆悵殘年風雪又交加

題畫八首

靈檀一帕美人蕉畫出張家靜婉腰容易匆匆憐窈窕等閒未被晚風飄
香銷寶鴨夜如何羅襪生塵別樣多空費陳思才八斗芝田館外賦凌波
花光映肉滿庭幽翠幙重重懶上鉤日午繡牀嬌不起爲誰相喚一凝眸
小闌干外小琅玕窄地雲侵玉葉冠記向蒼梧分一本斜陽影裏不勝寒
新詞擬寫趙兒花權認紅樓是妾家沉醉阿瓊仙子術一生心事在流霞
鬢邊磬弟與梅兄曾記荊州有汝名粗服亂頭觀更好美人難得是天成
此中那可著他人線脚鍼頭盡有神一笑痴兒唐進士覷憑輦障喚眞眞
零晴斷雨澹天闌卷裏春秋簇手溫

圖中人手
持新聞紙

坐嘆巫陽招不得人間到處有游魂

送澹溪

驚飈迸駟聲千里人蹤滅聞君有遠行使我心如結玉屑皎欲墜寒梅瘦可折顧之
成微笑此景亦足悅且住爲佳耳底事輕離別雲中有黃鵠羽毛何豐潔天路豈不
高奮飛惟一瞥所恨無芙蓉相從俱採擷

春日呈兆備師

世於彥伯久交推黃幹今生謬見知大壑千尋無易態晚霞十丈有殊姿人倫狂狷
歸陶鑄關塞風騷仗主持祇我連朝吟正苦仲由入室在何時

懷世太史仁甫師

觚棱十載罷朝參天下奇書次第探海嶽一菴歸米芾烟霞萬古住王曇寒江風雨
思芳草浮郭春秋見夕嵐計別老人時又久經年滯此我何堪

休沐日同澹溪竹銘出遊郭外

印橋搭影縠紋生掠岸威呼土人呼舟名櫂靄行遮眼一羣沙觜雁鄉村景物近清明